



La Géorgie

Indépendante

Revue mensuelle

M A I

1935—N° 113

ჰაიბო

1935 წ.

№ 113—ა)

დავით აღმაშენებლის სახელმწიფო

საქართველს პოლიტიკურ პარტიების ორგანო.



იოსებ პილსუდსკი

(1867—1935)

პილსუდსკი

ალარ არის პოლონეთის უდიდესი გმირი, მისი აღმდგენელი და ხელმძღვანელი იოსებ პილსუდსკი. მას დასტირის მთელი პოლონეთი განუზრუნველათ პარტიისა. მას დიდებას ასხამს მთელი მსოფლიო პრესა. მას გლოვობს მთელი მოწინავე საზოგადოება. დიდი, გაუსწორებელი დაკარგვა, როგორც სამშობლოსათვის, დაჩაგრული ერებისათვის, აგრეთვე ევროპისათვის. იმ დროს როდესაც დასავლეთი მოიცვა პოლიტიკურ აფორიაქებამ, საერთო დაბნეულობამ და ავანტიურისტულ დაწყობილებამ, ერთადერთი პოლონეთი და მისი მეთაური პილსუდსკი იდგა დინჯათ, დამუვიდებით, ურყევად, ერთხელ აღებულ პოზიციებზე მკვიდრად დაყრდნობილი. ამ საყოველთაო დაბნეულობაში ერთადერთი ის არ დაბნეულა და საკუთარ, დამოუკიდებელ გზას ოდნავთაც არ გადაცდენია.

პილსუდსკი არ გავდა არც ერთ სახელმწიფო მოღვაწეს, ის ღრმად განირჩეოდა ყველა თანამედროვე მეთაურთაგან და სწორედ ეს მისი განსაკუთრებით თვისებანი ხდიდა მას იშვიათ, ყველასაგან სადიდებელ პიროვნებათ. ის იყო ერთ და იმავე დროს კაცი მოქმედების და კაცი აზროვნების, ლიდერი და ჯარის კაცი, მამაცი და ხელმძღვანელი, დიდი ჭკუის და დიდი მოქმედების. ჩვეულებრივად ეს ორი თვისება ერთად ვერ თავსდება, ერთი მეორეს ვერ ეგუება და ამიტომ ბინადრობენ სხვადასხვა პიროვნებაში. მამაცი ჩვეულებრივად მოკლებულია ფართო აზროვნებას, ფართოდ მოაზრე—მამაცობას. გამოჩნადისი მეტად იშვიათია, მათი რიცხვი ხუთ თითზე თამამად ჩამოითვლება და აი ამათ შორის პილსუდსკია. მისი ცხოვრება სავესა დრამატული მომენტებით, ეპიკური შემთხვევებით. სადაც უნდა ყოფილიყო, რა ასპარეზზედაც ემოქმედნა, ის ყოველგან და ყოველთვის პირველ რიგშია, საშიშარ პოზიციანა, მებრძოლთათვის მხნეობის მაგალითის და სახელმძღვანელო დედააზრის მიმცემია. ის მუდამ იყო და დარჩა ბოლომდე საქმის სული და ძალღონე, გადაწყვეტილების მიმღები და ამსრულებელი. ის თვითონ სწყვეტს, მაგრამ სხვას არ აგზავნის მის ასასრულებლად, ის თვითონ მიდის, თვითონ იბრძვის, თვითონ სწირავს თავის სიცოცხლეს. ის არის პატრონი შეუდრკელი, გამოკაყებუნი ნებისყოფის. რწმენა უსაქმოდ მისთვის არ არსებობდა. თავის სულიერ აღმაფრენას ამტკიცებდა მისთვის თავის დადებით, თავის დადებით ამქოვანებდა თავის სულიერ აღმაფრენას.

პილსუდსკი გამოდის საზოგადო ასპარეზზე მთელი თავისი ენტუზიაზმით. პირველივე მკაცრი სინამდვილე, მისი ხუთი წლით გაციმბირება, მას არა თუ არ სტეხს, არამედ კიდევ უფრო ატოკებს და დაბრუნებისთანავე ხდება პოლონეთის სოციალისტური პარტიის (პ. პ. ს.) სულის ჩამდგმელი, მისი მეთაური, მისი ლიტერატორი. ყველა პარტიათა შორის, მხოლოდ ეს ითხოვდა პოლონეთის განთავისუფლებას, ყველა დანარჩენი კმაყოფილდებოდენ ავტონომიით. ახალგაზდა მეთაური თავისი ორგანიზაციების საშუალებით ებმება ერის პსიქოლოგიას, მისი ასი წლის ბრძოლას, მის გამანთავისუფლებელ მოძრაობას. ამ გზაზე პილსუდსკი არ ერიდება არავითარ დიდ გამოსვლას, არ უშვებს არც ერთ შემთხვევას გამოუყენებლად თავისი წისქვილის ასაბრუნებლად. კაცი ბომბის, ხმალის და კალმის—ეს ფანტასტიური შეზავება მოქმედების და აზროვნების იძლევა მთელ რიგს საგმირო საქმეებისას. იფეთქადიდა ომმა. პილსუდსკი თავისი მცირერიცხოვანი ლეგიონერებით ილაშქრებს რუსის მოწინავე პოზიციის წინააღმდეგ და იღებს მათ სიმაგრეს, განაგრძობს უთანასწორო ბრძოლას ცენტრალური ევროპის გვერდით; მაგრამ როცა ხედავს რომ მოკავშირენი სრულიად არ არიან თანახმა თავისი პოლონური ნაწილები შეუერთონ რუსეთის პოლონეთს ერთი მთლიანი პოლონეთის აღსადგენად, ის ილაშქრებს მათ წინააღმდეგაც, იგმებს ციხეს, შემდეგ განთავისუფლებას და ვარშავაში ცხადდება გამარჯვებული, აღდგენილი სამშობლოს ბელადად. ახდა მისი ძველი დებულება: უფრო შესაძლებელია მოპოვება პოლონეთის დამოუკიდებლობის, ვინემ მისი ავტონომიის. «ავტონომიებში» ჩაცვენილი ერები დღესაც განიცდიან მონობას.

ნაციონალური გმირი ხდება მხოლოდ უმაღლესად მორალური პიროვნება, რომელსაც თავისი კერძო მე არ აქვს, პირად ინტერესებს მოკლებულია, არავითარ ჯილდოს არ ეძებს, მთლიანად და სავსებით საზოგადო ინტერესით გაქვნილია და მას თავგანწირვით ემსახურება. მისი ჯილდოა სახალხო საქმის კეთება, სხვისთვის თავის დადება. ასეთი იყო პილსუდსკი. მე მინახავს ის ერთხელ, ახალგაზდაობაში, 1894 წ. გასულს ყენევაში და ის შთაბეჭდილება, რომელიც მე მისგან მივიღე, რჩება ბოლომდე მის დამახასიათებელ თვისებათ. მე გამაკვირვა იმ წინააღმდეგობამ, რომელიც იყო მის შინაგან სულიერი სიმდიდრის და ამის გარეგან გამოხატულების შორის. მორცხვი, წყნარი, მღუმარე, უბრალო, უჩინარი და ამავე დროს ამ ჩარჩოში დამალული ანთებუ-



ლი მებრძოლი სული, სული მოუსვენარი და მალ-
ლა, ცის სივრცეში აღმამფრინავი. აი ეს თვისება
რჩება მასში უცვლელი ბოლომდე. ის არ ეძებს გა-
მოსაჩენ ადგილს, საპატიო თანამდებობას, ყველასა-
თვის სანატრელ და სადიდებელ პოსტს. მას არა
ერთხელ შეაძლიეს პრეზიდენტობა, მთავრობის თა-
ვმჯდომარეობა; ის უარს ამბობს დასანახავ ადგილ-
ზე, ურჩევნია იყოს ჩრდილში მიმალული და იქიდან
უმსახურებოდეს თავის ქვეყანას. სწორეთ ისე, რო-
გორც მე მას ვხედავდი ამ ორმოცი წლის წინ ქენე-
ვის კაფეს პატარა კუნძულში და იქიდან მორცხვით
მოყურადეს სხვების მუსაიფისათვის. ის რჩება ერთ-
გული თავის თავის, თავის ბუნების, ბოლომდე. და
ჩა მისი ბრალთა თუ საქმის ცენტრი გადადის იქ,
სადაც თვითონ იმყოფება, თუ ის თავის უჩინარი
ადგილიდანაც ხელმძღვანელია. სულის ჩამდგმელია,
მეთათურა. ეს არის შედეგი არა მისი პრეტენზიის,
არა მისი თავმოყვარეობის, არამედ მისი უკუის, მი-
სი უნაირიანობის, მისი შეუდრეკელი სულის და მა-
მაკური მოქმედების. სადაც ის იყო, რა პოსტიც კი
ეჭირა, პარტიაში, ჯარში, ეროში, ყველგან მუდამ
შეფეია, ბელადია; მის ირგვლივ თავს იყრიდა ყველა
სასიცოცხლო ძალები.

პილსუდსკის ცხოვრება არის პოლონელი ერის
შემოკლებული ისტორია. მასში პოვა განსახიერება
ერის ყველა ღირსებამ, მისმა სულიერმა სიმდიდ-
რემ და კეთილშობილებამ. მუდმივი, შეუჩერებელი
ბრძოლა თავისუფლებისათვის, მუდმივი ერთგულე-
ბა ნაციონალური იდეალისათვის მუდმივი შეური-
გებლობა ბორკილებთან და მათ დასამტკრევთ თა-
ვის დადება—მთელი ეს ატოკებული საზოგადოებ-
რივი ზვირთები თავს იყრიან პილსუდსკიში და
ქმნიან მისგან ცოცხალ ქანდაკებას. ისტორიის მწვე-
რვალზე საქვეყნოთ აღმართულს. ის ნაციონალური
გმირია არა მარტო საგმირო საქმეებით, არამედ აგ-
რეთვე თავისი ხასიათით, თავისი სულიერი აგებუ-
ლობით, თავისი მხნეობით, შორსმჭვრეტლობით
და დიდი ბუნებით. ის იბრძოდა სამშობლოს თავი-
სუფლებსათვის, მაგრამ სწამდა და აფასებდა სხვი-
სი სამშობლოს თავისუფლებასაც. ის არ იდგა ნა-
ციონალური ეგოიზმის საფუძველზე, არ იზიარებდა
დღეს გაბატონებულ პოლიტიკას: მე ვიყო თავისუ-
ფალი, შენ მონობაში ბრძანდებოდეო. პირიქით, ის
მისდევდა ბოლომდე თავისუფლების ყველა დიდ
მედროშეთ: თავისუფლება ყველასთვის მხსნელია,
მონობა ყველასთვის დამლუბელია. ის წარმოადგე-
ნდა დაჩაგრულ ერთათვის დიდი მორალურ სიმაგ-
რეს, ცოცხალ, გამამხნეებელ ლამპარს, რომლის
სხივები უფინებოდნენ ბედისაგან დაჩაგრულთ. ის
იდგა იმ საზღვარზე, რომლის იქით მრავალი ხალ-
ხები იტანჯებიან და აძლევა მათ მაგალითს ბრძო-
ლისას, მამაცობისა და გამარჯვებისა...

პილსუდსკი—გმირი, ბელადი, ადამიანი, მუდამ
დარჩება ისტორიის მწვერვალზე მანათობელ ვარს-
კვლავათ...

ნ. ქობლანია.

მარშალი პილსუდსკი

გარდაიცვალა მარშალი პილსუდსკი, პოლონე-
თის უდიდესი პატრიოტი, მისთვის თავადებული
მებრძოლი, მისი მკვდრეთით აღდგომის გმირი, ახალ
ძლევამოსილ სიხელმწიფოს სუროთმოდგარი, ბე-
ლადი, წინამძღოლი. მარშალის გარდაცვალებამ
დიდი შთაბეჭდილება მოახდინა ქვეყნიერებაზე, არა-
ვინ ელოდა, თვით პოლონეთს ერსაც სრულიად მო-
სლოდნელათ დაატყდა თავს ეს უბედურება და გა-
ხვია ის გლოვის ძაძებში.

მარშალი პილსუდსკი სიცოცხლეშივე იქცა სა-
ზღაპრო პიროვნებად, ბელვედერის განდევილი
უჩინარი იყო ხალხისთვის, ხოლო უმისოთ არც ერ-
თი მნიშვნელოვანი საქმე არ კეთდებოდა შინ და
გარეთ. სამხედრო მინისტრი და ჯარების მთავარი
ინსპექტორი, სახელოვანი მარშალი ფაქტიურათ
უფროსი იყო მართვლობის ყველა სხვა დარგშიც,
მთავრობის შემდგენი, ქვეყნის ხელისუფალი.

მარშალის როლი საერთაშორისო განწყობილე-
ბაში უდრიდა თვით პოლონეთის როლს, და ეს კი
იზრდებოდა წლიდან წლამდე, მასმასამდე, იზრდე-
ბოდა მარშალის როლიც. დიდ სახელმწიფოთა მე-
ფეთა და პრეზიდენტთა სამგლოვიარო დეპეშები,
ისე როგორც დიდებული დაკრძალვა, ცხადათ მოწ-
მობს ამას. პოლონეთი ამ ათი წლის გასწვრივ იქცა
ნამდვილ დიდ სახელმწიფოდ, ევროპას მიემატა
ერთი დიდი წევრი, ურომლისოთ შეუძლებელია
მნიშვნელოვან საერთაშორისო კითხვების, პირველ
რიგზე ომის და ზავის კითხვის, გადაჭრა.

დასავლეთის ლოკარნოს დადების დროს 1925 წ.,
მისი ავტორნი ჯერ კიდევ არ ფიქრობდნენ პოლონე-
თისთვის ჯეროვანი ანგარიში გაეწიათ და არ მოი-
სურვეს მისი საზღვრების ისე უზრუნველყოფა, რო-
გორც რეინის მხრით. ეს იგონო დიდმა პატრიოტმა
თავის «ქონში», სახელმწიფოთ საქმეებს მოშორებუ-
ლმა, და ერთის დაკვირთ აიღო ისევე ხელისუფლება,
არ დაეროდა სისხლის ღვრასაც, რათა სახელმწიფო
ეხსნა ხიფათისაგან. ეს იყო მაისს 1926 წ., აბა შეადა-
რეთ მაშინდელი პოლონეთი დღევანდელს, მაისს
1235 წელს! პოლონეთი უარყოფს, სუვერენულათ
უარყოფს აღმოსავლეთის ლოკარნოს! ეს არავის აკ-
ვირვებს, ურიცხვებიან მის ვეტოს. როგორც ცხდავთ,
პოლონეთი თანასწორია თანასწორთა შორის, და ამ
თანასწორობის გამომქედს იგლოვეს დღეს. პიერ
ლავალი, საფრანგეთის საგარეო მინისტრი, პირვე-
ლათ ვარშავაში მიდის, შემდეგ მოსკოვში, ესლა
ისევე უბრუნდება ვარშავას, რათა გვირგვინით შეამ-
კოს იმის ცხედარი, რომლის ცოცხლათ ნახვა ვერ
შესძლო.

ასეთი ისტორიული ფაქტები ცხად ჰყოფს, ვინ
დაკარგა პოლონეთმა. მარშალი დიქტატორი იყო-
ვო, გაიძახიან ყოველ მხრიდან, ხოლო რჩეულნი თუ
წარმოიდგენენ, რა ყვება ამოცანა გადასჭრა მან.
გარშემორტყმული ორი იმპერიისგან, რომლის კლა-
ნუები საცაა ისევე უნდა სწვდნოდა მას, პოლონეთი
ქვევით ექანებოდა მოწინამდგეე ძალთა და პარტი-
ათა ურთიერთ ქიშპობის და ბრძოლის მეოხებით.

ეს ქიშპობა და ბრძოლა მით უფრო საბედისწერო უნდა გამხდარიყო, რომ პოლონეთს, დაგლეჯილს სამ ნაწილად და განაწილებს, ორი საუკუნის მანძილზე, ჯერ კიდევ ვერ მოესწრო შედუღება, ყველა იარების მორჩენა. მუხთაღმა მოსკოვიამ ჯერ ხომ კიდევ განთავისუფლების განთიადს სცადა მისი გათელვა, ვარშავის კარსაც მიაღდა. ვიცით, როგორი პასუხი მიიღო თავდამსხმელმა: პილსუდსკიმ თავზარი დასცა მას და პოლონეთის პირველი მარშალი გახდა. ეს იყო ისტორიული გაფრთხილება პოლონელ ერისთვის, ამაშია იმის ახსნაც, თუ რატომ იქცა მარშალი დიქტატორად.

საქირო იყო ძლიერი ჯარის შექმნა. ადვილია ამის თქმა, ხოლო რამდენათ ძნელი ასრულება! ახალი სახელმწიფო, სამი სრულიად განსხვავებულ ნაწილისგან შეკოწიწებული. რომლის ტერიტორია მთელი ოთხი წელიწადი ომის ასპარეზი იყო, აზრებული, აწიოკებული, — რა ნივთიერი და სულიერი ძალა, რა ენერჯია, რა გამპირიანობა უნდა დახარჯულიყო ამ მიზნის მისაღწევად! განა გასაკვირია ამის შემდეგ, რომ პილსუდსკი გაუბრბოდა ქვეყნის პრეზიდენტობას. მთავრობის თავმჯდომარეობასაც — თუმცა ერთხელ მაინც იძულებული გახდა ეკისრნა იგი — და მხოლოდ სამხედრო მინისტრობას სჯერებოდა და თითქმის მთელი თავის დროს ჯარის შექმნას და მის ყოველმხრივ მოწყობას ანდომებდა? და შექმნა კიდევ პირველ-ხარისხოვანი ჯარი, შესაფერი ქვეყნის ინტერესების დაღირსების დასაცავათ.

ფრიად ძნელი და იმავე დროს ფაქიზი იყო პოლონეთის საერთაშორისო მდგომარეობა. ვერსალის ზავით უკმაყოფილო დასავლეთის მეზობელი მტრულ განწყობილებასი იყო მასთან; აღმოსავლეთის მეზობელი, ერთხელ კბილებ ჩამტყრეული, აშკარათ ვერ ამხელდა თავის ვერაჯ ზრახვებს, მაგრამ მით უფრო დაუძინებლათ და განუწყვეტლივ უშხადებდა მას შიგნიდან აფეთქებას. მაგრამ რამდენათ უფრო ვართულდა მდგომარეობა, როცა პოლონეთის მოკავშირე საფრანგეთი სწორეთ აღმოსავლეთის ამ ვერაჯ მეზობლისკენ იწყებს ცქერას და უახლოვდება კიდევ! და აქ მარშალმა სთქვა თავისი მტკიცე სიტყვა: არასდროს სამხედრო კავშირი მოსკოვიასთან! მან შეკრა უკანასკნელთან თავდაუხსნელობის პაქტი, მაგრამ სამხედრო კავშირი, რომელიც გულისხმობდა რუსის ჯარის პოლონეთის ტერიტორიაზე გავლას, მან გადაჭრით უარყო.

მარშალმა პილსუდსკიმ გერმანიასთანაც დასდო თავდაუხსნელობის პაქტი ათი წლით და ამან დიდი მითქმა-მოთქმა გამოიწვია მოკავშირე საფრანგეთში. ბევრი იმასაც კი ფიქრობდა, რომ რუსეთ-საფრანგეთის ბლოკს უპირდაპირდებოდა გერმანია-პოლონეთის ბლოკი და სამხედრო კავშირი საფრანგეთსა და პოლონეთს შორის გაუქმებულად მიაჩნდათ.

მაგრამ უკანასკნელმა ამბებმა ამ მითქმა-მოთქმას ნიადაგი გამოაცალა. საფრანგეთმა, მართალია, ხელი მოაწერა მოსკოვიასთან ურთიერთ დახმარების პაქტს, მაგრამ რამდენათ დამორბეულს წინეთ განზრახულ სამხედრო კავშირისგან! ამის და მიხედვით, საფრანგეთი და პოლონეთი ისევ პოულობენ საერ-

თო ენას, აღიარებენ ურთიერთ დამოკიდებულების ბაზად უკვე არსებულ სამხედრო კავშირს. ჩქარა იმასაც დაეინახავთ, რომ პოლონეთი, შეიძლება, ხიდი გახდეს საფრანგეთსა და გერმანიას შუა გადებული!

ბელგედერის განდევნის იღუმალი ზრახვაც სწორეთ ამაში მდგომარეობდა. დასავლეთ ევროპის დაზავება, სახელმწიფოთა შორის ნდობის და თანამშრომლობის აღდგენა შეუძლებელია, თუ გერმანია და საფრანგეთი ორ მოწინააღმდეგე ბანაკს ეკუთვნია. ესაა ნამდვილი რეალური პოლიტიკა და მარშალიც სწორეთ ამას ადგა.

რაც შეეხება საბჭოთა კავშირს, მისთვის ცხადი იყო, რომ წითელი იმპერიალიზმი გაცილებით უფრო საშიშოა პოლონეთისთვის, დასავლეთ ევროპისთვის, მთელი ცივილიზაციისთვის, ვინემ რომანოვების იმპერიალიზმი. განა უკანასკნელთან ბრძოლას არ შეაღია პილსუდსკიმ თითქმის მთელი მისი ძალა, ჯანი, სიცოცხლე! სულით ძლიერი, რამდენათ სუსტი იყო ის ფიზიკურათ სამშობლოს განთავისუფლების შემდეგ! რა იყო 68 წელი ასეთი ძლიერი პიროვნებისთვის, მაგრამ რევოლუციურმა მოღვაწეობამ 40 წლის მანძილზე, ციხეებმა და ციბირმა, კონსპირატიულ სარდაფებში ცხოვრებამ თავისი განუკურნებელი დაღი დაასვეს პოლონეთის სიამაყეს და შეუშოკლეს დღეები.

პილსუდსკის წარსული რევოლუციური ბრძოლა მუდროთ იყო დაკავშირებული სხვა ერთა რევოლუციურ ბრძოლასთან იმავე ცარიზმის წინააღმდეგ. ეს კავშირი გახდა შემდეგ ნამდვილი მიზეზი მარშალის ასეთი აღზნებული სიმპატიებისა ახალ მებრძოლთა მიმართ ბოლშევიზმის წინააღმდეგ. პოლონეთი და ბალტიის რესპუბლიკები განთავისუფლდნენ, ეხლა ჯერი სხვა ერებზე მიდგა, ისინიც უნდა განთავისუფლდნენ, ესაა ისტორიული აუცილებლობა — მსჯელობდა მარშალი. საბჭოთა კავშირის, ამ ვეება და უსახო იმპერიის დანაწილება ეროვნულათ საღ და დამოუკიდებელ სახელმწიფოებად — აი, რა მიაჩნდა მას ერთად ერთ გამოსავალ წერტილად არსებულ არანორმალურ მდგომარეობიდან.

ერთი მხარეც, შეიძლება, ყველაზე უმნიშვნელოვანსი. პილსუდსკი იყო სოციალისტი, რევოლუციონერი და პატრიოტი ერთსა და იმავე დროს, მაგრამ არასდროს არ უგრძენია მას გასამება, მუდამ ერთი პიროვნება იყო, ვითა გრდემლი. როცა ცარიზმთან ბრძოლა საკუთარ სამშობლოს ამშენებლობამ შესცვალა, პილსუდსკი, მოწოდებული ამ მძიმე და საპასუხისმგებლო დანიშნულებისათვის, თავისივე გულში იკლავს ყველა თავის პარტიულ-პოლიტიკურ მიდრეკილებას და მიაქვს ისინი სამშობლოს სამსხვერპლოზე.

სრულიად არაჩვეულებრივი იყო მარშალის მეგობრული განწყობილება ქართველ ერთან, მან ეს დაამტკიცა საქმით, რომელიც თავის თავათ დაუდებს. ჩვენ მთელის ჩვენის გულით და სულით ვუერთდებით რაინდ პოლონელ ერის გლოვას თავის უდიდეს შვილის უდროთ დაკარგვის გამო.



იოს. პილსუდსკის ბარდაცვალების ირგვლივ

ბ. ნოე უორდანიამ პოლონეთის მთავრობის თავმჯდომარეს გაუგზავნა სამძიმრის შემდეგი დეპეშა:
 «ღრმად დამამწუხრა მოულოდნელმა დაკარგვამ პოლონეთის უდიდესი პიროვნების, ახალი პოლონეთის შემქმნელის და ჩემი სამშობლოს დიდი მეგობრის იოსებ პილსუდსკის. უცხადებ ჩემს მხურვალე თანაგრძნობას პოლონეთის ერს მის დიდ გლოვაში».

კავკასიის ემიგრაციის სახელით ქ-ნ პილსუდსკისას გაეგზავნა შემდეგი დეპეშა:

«კავკასიის ემიგრაციის სახელით გიცხადებთ ჩვენს ღრმა თანაგრძნობას იმ მძიმე მწუხარებაში, რომელიც თქვენ და თქვენთან ერთად პოლონეთის კეთილშობილ ერს თავს დაგატყდათ ახალი პოლონეთის შემქმნელის და დაჩაგრულ ერთა დიდი მეგობრის მარშალ პილსუდსკის უდროოდ დაკარგვით.

უორდანია, რუსულ ზადე, შახმანოვი».

18 მაისს, ნაშუადღევს 4 საათზე ეროვნულმა ცენტრმა გამართა სამგლოვიარო სხდომა მარშალ პილსუდსკის ხსოვნის აღსანიშნავად. ვრცელი სიტყვები წარმოსთქვეს თავმჯდომარე ნ. უორდანიამ და პარტიათა სახელით გ. გვაზავამ.

ი. პილსუდსკის ხსოვნის აღსანიშნავათ საჯარო სხდომა გამართა აგრეთვე კავკასიის, უკრაინის და თურქესტანის ერების მეგობრობის კომიტეტმა; სხდომას დაესწრენ აგრეთვე პოლონელებიც. ილაპარაკეს: უკრაინის სახელით პრ. შულგინმა, ქართველების—ა. ჩხენკელმა, ადერბეიჯანის—მ. იაკუბ ბეიმ, მთიელების—ჩულიკმა, თურქესტანის—მ. ჩოკაევმა.

ბ. გვაზავას სიტყვა

პილსუდსკი გარდაიცვალა!

ჯერ არ დამდგარა დრო იმისთვის, რომ სამართლიანად დაფასდეს სამსახური ამ დიადი პიროვნებისა პოლონეთის წინაშე, არც იმისთვის, რომ დაენიშნოს მას მისი შესაფერი ადგილი კაცობრიობის ისტორიაში.

დიალ, მე ვამბობ, კაცობრიობის ისტორიაში, ვინაიდან მნიშვნელობა და შედეგები პილსუდსკის ბრძოლის და მოღვაწეობის ძალიან შორსა სცემს, იგი გადადის პოლონეთის საზღვრებს და უკავშირდება კაცობრიობის ევოლიუციის უმაღლეს ინტერესებს.

პილსუდსკი სიყრმიდანვე ჩაება იმ სახელოვან მუშაობაში, რომლის გზა მიდის საშინელ უფსკრულის ნაპირ ნაპირ; გზა სახიფათოა, ეკლიანი და მოლიპული; ყოველ წამს შეიძლება დაგატყდეს ავადარი, დაგიბეროს ქარიშხალმა, ან გაგიცდეს ფეხი და გადავარდეთ ამ უფსკრულში, სადაც უკვე დამარხულია არა ერთი და ორი პოლონელი, არა ერთი და ორი მეტროპოლი სხვა დამონებული ერებისა. მაგრამ პილსუდსკი დინჯად მიდიოდა ამ გზაზე და თვალის მუქად მიჭედოლი ჰქონდა ერთ ვარსკვლავზე, რომლის შუქი და ელვარება იყო დაუშრეტელი წყარო

მისი მხნეობის, მისი თავგამოდების და იმ შეურყეველი ნებისყოფის, რომელმაც დაბოლოს წამოართო მთელს პოლონეთში ეროვნული ენტუზიაზმი და უცვლელი შარავანდელით შეჰმოსა მისი სახე კაცობრიობის ისტორიაში. ეს ვარსკვლავი იყო პოლონეთის ბედი.

პოლონეთი! თქვენ იცით ამ ქვეყნის ისტორია, თქვენ იცით, თუ რა საშინელი ბრძოლა გამოიარა მან საუკუნეთა გასწვრივ და როგორ, რა ტრადიკულ პირობებში, უწყალოდ დაფლეთილ და დახეულ იქმნა მისი ეროვნული სხეული. საქირო იყო მოვლენა დიადი პიროვნების, რომ ამ დაფლეთილ ნაწილებიდან შეექმნა ისევ ერთი სხეული, შთაებერა მისთვის უკვდავი სული და აღემატა იგი, როგორც შეურყეველი კუნძული კაცობრიობის ოკეანეში. ეს სასწაული მოახდინა პილსუდსკიმ. პოლონეთი აღსდგა. ეროვნულ ენტუზიაზმა შეჰქმნა ის ურყევი სიმაგრე, რომელიც გახდა ბურჯი არა მარტო პოლონეთის, არამედ მთელი ევროპის მშვიდობიანი განვითარებისა.


ევროპა! ჩვენ ყველანი დიდი მოთაყვანენი ვართ ევროპის ცივილიზაციისა, ვინაიდან საფუძველი ამ ცივილიზაციისა გახლავს თავისუფლება, თავისუფლება პიროვნული და თავისუფლება ეროვნული. სწორედ ამ საფუძველზე გაიშალა ყოველნაირი შემოქმედება მეცნიერებაში და ხელოვნებაში, სწორედ ამან შეჰქმნა ის ინტელექტუალური და ეკონომიური უმაღლესობა, რომელიც უჭირავს ევროპას ქვეყნიერებაში. ევროპა ხშირად იდგა დიდ განსაცდელის წინაშე, მის ცივილიზაციას ხშირად ემუქრებოდნენ ბარბაროსული ძალები, მაგრამ ამ განსაცდელისაგან ის მაინც გამოვიდა გამარჯვებული.

აღვნიშნოთ მხოლოდ სამი უმთავრესი მომენტი ამ დიადი ბრძოლისა. ეს პატარა მოვლენა ვაგვიადვილებს ჩვენ უფრო სწორედ დავაფასოთ პილსუდსკის როლი და მნიშვნელობა.

პირველი არის არაბების შემოსევა ისპანიაში. ამ ტალღამ გადალახა მთელი ისპანია, შემოიჭრა საფრანგეთში და შეიძლება ითქვას, რომ მთელი ევროპის ბედი ბეწვზე ეკიდა. მაგრამ მოხდა დიადი შეტაკება პუატიეში: საფრანგეთის ჯარმა, შარლ-მარტელის წინამძღოლობით, საშინლად დაამარცხა შემოსეული ლაშქარი და აბრუნებინა იმას უკან პირი. ამ დღიდან იწყება უკუხევა შემოჭრილი ძალებისა. გავიდა კარგი ხანი და პროცესი დასრულდა დასავლეთ ევროპის სრული განთავისუფლებით.

გავიდა ამის შემდეგ ათიოდე საუკუნე და ევროპა აღმოჩნდა ახალი ხიფათის წინ: ბალკანეთით შემოიჭრა თურქების ლაშქარი. ამ საშინელ ტალღამ წაღვკა მთელი ბალკანეთი და მიადწია ევროპის შუა-გულს. მაგრამ აქაც აღმოჩნდა მსხნელი: პოლონეთის მეფემ, იან-სობესკიმ, ვენის კარების წინ, გადაუჭრა იმას გზა, დაამარცხა იგი და ამ საშინელმა, აზიიდან შემოჭრილმა ტალღამ, დაიწყო უკუდენა. ეს პროცესიც გათავდა, როგორც იცით, ბალკანეთის სრული განთავისუფლებით.

მაგრამ ყველაზე უფრო საშინელი იყო მესამე ტალღა ველური ძალებისა. ეს ტალღა წამოსქდა



რუსეთიდან. მაგრამ კარგად გახსოვთ, რომ ლენინი ემუქრებოდა არა პოლონეთს, რომელსაც იგი ალბად ჯერ კიდევ თვლიდა რუსეთის პროვინციად, არამედ მთელს ევროპას. თქვენ იცით, რომ ლენინმა თვითონ მოსპო მთელ რუსეთში ყოველი თავისუფლება, განსაკუთრებით კი ყველაზე უძვირფასესი— თავისუფლება შრომისა. ამით იგი მედგრად დაუპირდაპირდა ევროპის ცივილიზაციას. ეჭვი არ არის, მისი გამარჯვება იქნებოდა სამუდამოდ ჩამრტა ამ ცივილიზაციისა.

ამ საშინელ ურდოებს გზა გადაუჭრა პოლონეთის ერმა და მის ზენიალურმა ხელმძღვანელმა პილსუდსკიმ. მოსკოვიდან წამოხეტილი ტალღა ეხეთქა ამ შეურყეველ სიმაგრეს, ვერ გადალახა იგი და იბრუნა უკან პირი. ევროპა გადაარჩა განადგურებას.

ეჭვი არ არის ამ ტალღის უკუ-დენას მოყვება ის, რაც მოყვა არაბების შემოსევას ისპანიაში და თურქებისას—ბალკანეთში. მხოლოდ ეს პროცესი უკუ-ხვევისა იქნება შეუდარებლად უფრო სწრაფი-ურმით მოძრაობა შესცვალა ავიაციამ და ის, რაც წინედ ხდებოდა მთელი საუკუნის განმავლობაში, ესლა შეიძლება მოხდეს რამდენიმე დღეში ან რამდენიმე თვეში. თქვენ ხედავთ, უკვე მოხანს საზღვრები თავისუფალი უკრაინის და თავისუფალი კავკასიისა.

აი სად არის დაუფასებელი სამსახური პილსუდსკის კაცობრიობის წინაშე. მან გადაარჩინა ევროპის ცივილიზაცია საშინელ განსაცდელს და შეამტვრია კარები იმ ერთა საპყრობილეში, რომელსაც ჰქვიათ რუსეთი. აი რატომ დასტირის ერთნაირად პილსუდსკის გადაცვალებას აღმოსავლეთი და დასავლეთი.

ბაირონი ამბობს ერთ თავის ლექსში რუსეთის შესახებ: «ქვეყანა შეკრულია თოვლით და ყინვითო, არის მხოლოდ ერთი ნაპერწკალი, სადაც შეიძლება კაცმა სული გაითბოსო—ეს არის სახელი კოსციუ-შკოსიო!»—ესლა ნაპერწკალი კი არა, წამოინთო დიადი ალი, რომელიც სულს უთბობს ყველა დაჩაგრულ ერებს და გზას უნათებს კაცობრიობას—ეს განსაკუთრებული პილსუდსკისა.

მოვიდრიკოთ მუხლი ამ ახლად გახსნილ სამარის წინ და გავიზიაროთ სულით და გულით ეს სამგლოვიარო წამი პოლონეთის ისტორიისა.

აკ. ჩხენკელის სიტყვა

ერთი კვირაც არ გასულა, რაც პოლონეთის დიპლომატიური მარშალი პილსუდსკი გარდაიცვალა, და ევროპამ თითქო ესლა იგრძნო, ესლა ჩაუკვირდა და დააფასა, რა დიდ პიროვნებას წარმოადგენდა მიცვალებული. პილსუდსკიმ თავის პიროვნებაში განასახიერა მშობელ პოლონელ ერის სახელოვანი გმირობა, გენიოსობა და გამოსჭედა მისგან ძლევა-მოსილი დიდი სახელმწიფო, რომელსაც ანგარიში უნდა გაუწიონ სხვა დიდმა სახელმწიფოებმა. ჩვენ გვანახვს, ერთი ქვეყნის საგარეო მინისტრი ეწვია, ერთი წლის წინ, ვარშავას და ულოცავდა მარშალს,

რომ პოლონეთი უკვე შევიდა დიდ სახელმწიფოთა ოჯახშიო, მაგრამ, რამდენიმე თვის შემდეგ, იმავე მინისტრმა მეორე სახელმწიფო, მოსკოვია, შეიყვანა ამ ოჯახში. ამის პასუხად, როცა იმავე ქვეყნის მეორე საგარეო მინისტრმა დაუყენა პოლონეთს აღმოსავლეთის ლოკარნოს კითხვა, მარშალმა მას ვადაპირილი უარი მიახალა. მაშინ ეს უარი ვერავინ გაიგო, ხოლო ესლაკი, მარშალის ცხედრის დიად დაკრძალვის დროს, მთელმა ევროპამ იგრძნო, რომ მის წინ აღიმართა პოლონეთის დიდი სახელმწიფო, რომელსაც დიდი და განსაკუთრებული მისსია უკისრნია.

რაში მდგომარეობს ეს მისსია? იქცეს დარაჯად, გარდაუვალ ციხე-სიმაგრედ აღმოსავლეთის საზღვრებზედ, რათა ესენი ვერ გადალახოს მოსკოვიტების საშინელმა ბარბაროსობამ და მით არ დაამხოს დასავლეთი ევროპა, მთელი მისი ცივილიზაცია. ერთხელ კიდევ იხსნა, 1920 წ., ჯერ კიდევ ნორჩმა პოლონეთმა, მისმა შეუღარებელმა ბელადმა დასავლეთი ამ სიფათისაგან. და აი სწორეთ ამ პოლონეთს და მის აღმამეზებელ პილსუდსკის ეუბნებიან შეეკარი სამხედრო კავშირით მოსკოვიასო, რაიცა გულისხმობდა რუსის ჯარის პოლონეთის მიწა-წყალზე გავლას! ვანა იმისთვის ებრძოდა ასე გამჭარებით ათეული წლები დიდი რევოლუციონერი პილსუდსკი რომანოვების იმპერიალიზმს, რომ ესლა კარი გაეღო გაცილებით უფრო პირწავარდნილ წითელ იმპერიალიზმისათვის?

თქვენ კარგათ იცით, რომ პილსუდსკი იყო ძველი იმპერიის ყველა ერთა რევოლუციონერთა თანამებრძოლი ცარიზმის წინააღმდეგ, ყველაზე შეურიგებელი და მამაცი. მას არ ჰქონდა წარმოდგენილი პოლონეთის განთავისუფლება, თუ ცარიზმი არ იქნებოდა წინასწარ მიწაზედ დანარცხებული. ეს ასედაც მოხდა: იფეთქა რევოლუციამ და პოლონეთიც აღსდგა და მას სათავეში მოექცა ძველი რევოლუციონერი, აწ უკვე სახელოვანი მხედართ-მთავარი და სახელმწიფო მოღვაწე პილსუდსკი. მე ვიყავი მოწმე ერთი მშვენიერი სურათისა, მარტში 1917 წ. თავი დის სასახლეში სხდომა ჰქონდა საბჭოთა აღმასრულებელ კომიტეტს, მას მოახსენეს, პოლონელთა დეპუტაციას სურს შემოვიდესო, შემოვიდენ: მოსკოვის ცნობილი ვექილი ლენინცი, ერთი ეპისკოპოსი და ორიოდ სხვა საპატიო პირი. ლენინცის მისაღმების სიტყვაში და საბჭოთა თავმჯდომარის ჩხეიძის პასუხში გამოთქმული იყო ის აზრი, რომ გამარჯვებული რევოლუცია განთავისუფლებას მიუტანდა ყველა ერთ. ლენინცი მადლობას მიუძღვნინდა რევოლუციის მეთაურთ პოლონეთის ცნობისთვის, და, მართლაც, საბჭომ აიძულა დროებითი მთავრობა მოეხდინა ეს აქტი,—და გაათავა ასე: მე ვესალმები თქვენს პიროვნებაში—ეუბნება ჩხეიძეს—რაინდ ქართველ ერს და მხურვალეთ ვუსურვებ მას მისი საწაღელის მიღწევას.

ვანა გასაკვირია, რომ რევოლუციურ ბრძოლებში ასე დაკავშირებული სხვა ერთა შვილებთან, მარშალი პილსუდსკი ღრმა თანაგრძობით ეპყრობოდა იმ ერებს, ვინც დარჩა მოსკოვის უღლის ქვეშ? მას



სწამდა ჩვენი საქმე, დარწმუნებული იყო, რომ ჩვენი ერებისთვისაც დაპტრავდა განთავისუფლების უამი, ამას არ მალავდა, საჯაროთ აცხადებდა, და მისი ხმა სწევდებოდა შორს, შორს საბჭოთა სამფლობელოს ყოველ კუთხეში. მე დარწმუნებული ვარ, რომ ჩვენი ერნი, დღეს რომ ბორკილებში არ იყვენ, აშკარათ და ღრმა მწუხარებით იგლოვდნ პოლონეთის დიდი პატრიოტის უდროთ გარდაცვლას. ისინი განაგრძობენ ბრძოლას თავისუფლებისათვის, და კიდევ რომ ვერ მიღწიონ ამ მოკლე დროში თავის მიზანს, მაინც შეასრულებენ თავის მოვალეობას მეგობარ ერის მიმართ.

ქართველი ერის, ქართველ პოლიტიკურ ემიგრაციის სახელით მე ვაძლევ ჩემს თავს ნებას უღრმესი თანაგრძნობა გამოვუცხადო ძველამოსილ პოლონელ ერს მისი სახელოვან შვილის და ჩვენი დიდი მეგობრის დაკარგვის გამო.

მარშალ პილსუდსკის ცხოვრება

12 მაისს 8 საათზე და 45 წუთზე საუკუნე განსვენებას მიეცა მარშალი იოსებ პილსუდსკი—უდიდესი პიროვნება, რომელიც პოლონეთის საუკუნეთა ისტორიას მოუცია, რომელმაც სამად დაყოფილ მრავალ ტანჯულ პოლონეთს, საუკუნის მანძილზე სამ უზარმაზარ იმპერიათა საჯეჯვანად გამხდარს სული შთაბერა, დაქსაქსული ნაწილები გააერთიანა, დამოუკიდებლობა მოუპოვა, უძლიერეს სახელმწიფოთა სწორი გახადა და მათი თანასწორი მათ გვერდით დასვა.

იოსებ კლემანი პილსუდსკი 1867 წ. 5 დეკემბერს დაიბადა, ვილნოდან არა შორს მდებარე პაწია სოფელ წულღეში. მარშალი პილსუდსკი შთამომავლობით იმ გვარეულობას ეკუთვნოდა, რომლისთვის რუსეთის წინამძღვე ბრძოლა იყო ტრადიციული. მარშლის მამა 1863 წლის პოლონეთის რევოლუციის მხურვალე მონაწილეა და ამ წელს რევოლუციის სახელმძღვანელოთ შემდგარ საიდუმლო ეროვნულ მთავრობის რწმუნებული. პილსუდსკი ამ დამატებებზე რევოლუციის ნამდვილი მემკვიდრეა და ასეთად თავის თავს სთვლიდა. შესაძლოა სამართლიანადაა თქმული: დიდ პიროვნებათა დედები ხშირად დიდი ბუნებისანი არიან. ამ თქმულებას მარშალი პილსუდსკის დედა მთლიანად ამართლებს. პირდაპირობა, სიმტკიცე, მაღალი გონიერება მარია პილსუდსკის—მარშლის დედის ბუნებაშია ჩაქსოვილი. მდგომარეობის ვითარების ერთბაშად გაგება, გადაწყვეტილებათა დაუყოვნებლივი მიღება—მას ახასიათებს. მარია პილსუდსკი პოლონეთის განსახიერება, განსახიერება ყოველივე იმის; რაც ებრძოდა რუსეთის ასიმილაციას. ხიფათა, შემთხვევათა თუ უბედურებათა შუა გულში მოქცეული, არასდროს არ ჰკარგავს გონიერების თავისუფლებას, მოქმედებაში იჩენს განუზომელ სიმაგრეს, არასდროს ეძლევა სასაწყარკვეთილებას. პილსუდსკიმ კონსპირატორობა დედის ძემუხთან ერთად იკვმა. პოლონელი

ბუნებით კონსპირატორია. დაიწერა: მარშალი პილსუდსკი უდიდესი კონსპირატორიაო, რომელიც ისტორიას ახსოვსო. სიმართლეა.

პაწია ზიუკის—ასე ეძახდნ მომავალ მარშალს შინაურობაში—ხასიათის ფორმაცია, მისი სულიერი გაკაყება, დედამ მოვალეობად გაიხადა. ეს გაკაყებული სული მამულის მომავალ ჯარის კაცად უნდა იქცეს—აი დედის ოცნება. 11 შვილი, ქალი და ვაჟი ყველა ამ გზით იზრდება. ზრიუკი ოჯახში უმცროსია, ხოლო ბუნებით უფრო დაჯილდოებული. უმცროსი ოჯახში რჩეულია, უმცროსი ოჯახში უფროსია. პაწია ზიუკი წაჩულებულ დაძმებს არიგებს, თამაშობის დროს მათ ხელმძღვანელობს. შვილებს დედა ასწავლის, იგივე მათ ანვითარებს—წარსულ პოლონეთის დიდების სიყვარულ-პატივცემადში. პირველი წიგნები, რომელთაც მომავალი მარშალი ეწაფება—რომანტიული ეპოქის პოლონეთის მგოსნებია. 1875 წელს პილსუდსკის მშობლები ვილნოში სახლებიან ზიუკი რუსის გიმნაზიაშია. მის გულში ღვივის გამარტსებელ მასწავლებელთა მიმართ სიძულვილი. გიმნაზია ახალგაზდათა აღზრდის პედაგოგიურ მხარეს ზერელეთ ეხება. ხოლო საუკეთესო პოლიტიკური იარაღია რუსიფიკაციისა. სპეციალური სახელმძღვანელოები მთლად ამახინჯებენ პოლონეთის ისტორიის დიად ფურცლებს, სამაგიეროთ პოლიციური მეთოდით აღზრდის სისტემა იფურჩქნება. პოლონურად ხმის ამოღება ისჯება, პოლონეთის ერის და ეროვნულ გმირთა ხსოვნა იძაგება. ზიუკი მამულიშვილობას გულახდილად, მოურიდებლად აღიარებს, რუსიფიკატორთა წინააღმდეგ პროტესტს აცხადებს. გრძობს უძლიურებს, წიგნებში ეფლება. იტაკებს ანტიურ გმირთა ლეგენდები, სიდიადე ათინის და რომის. პლუტარქი მისი რჩეული წიგნია. პილსუდსკის ასულდგმულებს რევოლუცია: «აღფრთვანებული ვარ იმ მონაწილეობით, რომელიც მიუღია ფართე მასსებს რევოლუციაში, აღფრთვანებული ვარ რევოლუციონერთა გმირობით», სწერს პილსუდსკი და თავის თავს ეკითხება: ნუ თუ პოლონელებს არ შეუძლიათ გამოიჩინონ ასეთივე ენერგია? ახალგაზდა რომანტიკ პილსუდსკიში ილიძეებს ნაციონალური სიამაყე. მისი რჩეული გმირი ამ ხნად ნაპოლონია. 1884 წელს ახალგაზდა პილსუდსკი აარსებს პატრიოტულ წრეს «სპონია»ს სახელწოდებით. ამ კონსპირატიულ წრეში სწავლობენ პოლონეთის ლიტერატურის ისტორიას, ისტორიას პოლონეთისას, აშუქებენ სოციალურ პრობლემებს, აქ იმართება დისკუსიები მარქსის მოძღვრებანე, პილსუდსკის წრე გმირულ ალტყინებას ყავს შეპყრობილი. გაცხარებით ემხადებიან მომავალ ბრძოლებისთვის.

1885 წელს პილსუდსკი სამედიცინო ფაკულტეტზეა, ხოლო არა დიდი ხნით. ასწრებს მაინც რუს რევოლუციონერ ელემენტებთან დაახლოვებას. მათ მოქმედებაში პილსუდსკი ჰხედავს იმ ძალას, რომელმაც უნდა შეანძროს ცარიზმი და რუსეთის სიძლიერე. ერთ წელსაც არ გაუვლია და უნივერსიტეტიდან გამაოცებულია პოლონელ ახალგაზდათა ორგანიზაციაში მონაწილეობისთვის. ბრუნდება ვი-



ლნოში. აარსებს საიდუმლო პოლიტიკურ წრეს. ეს წრე ცენტრია ვილნოს პოლიტიკურ ცხოვრებისა. პილსუდსკი აწყობს შეთქმულებას, თავის მხარე-
 ნისლავთან ერთად, ალექსანდრე მესამეზე. ერთავეს
 ატუსაღებენ. ბრონისლავს სახალინში აგზავნიან 5
 წლით. იოსები 5 წლით აღმოსავლეთ ციმბირშია გა-
 დასახლებული. ციმბირში ის უახლოვდება შვარცს,
 1863 წლის ერთ მეთაურთაგანს. ციმბირის მისჯამ,
 ციმბირის ერთი ადგილიდან მეორეში გადასახლება
 კიდევ უფრო გააძლიერა სიძულვილი რუსეთისადმი,
 მისი მოქმედებაც გაორკეცებულია. სასჯელის მოხ-
 ლის შემდეგ სავესები ეფლება პოლონეთის სოცია-
 ლისტურ მოძრაობაში. 1893 წლის პოლონეთის სო-
 ციალისტური პარტიის მეორე კონგრესი თავის ლი-
 დერად ირჩევს. კონგრესი ავალებს პარტიულ ორგა-
 ნოს «რობოტნიკი»-ს («მუშა») დაარსებას და მის ხე-
 ლმძღვანელობას.

ტერორისტულ აქტთა და აჯანყებათა სულის
 ჩამდგმელი პილსუდსკი ქალაქიდან ქალაქში დადის.
 ყოველგან დახელოვნებულ პოლიციას ხელიდან უს-
 ხლტება. 1900 წელს პილსუდსკი ტუსალია, ვარშავის
 ციხადელში, განთქმულ მკათა პავლიონში მომწე-
 ვდებული. ამ პავლიონშივე იტანჯებოდნენ 1863 წლ.
 რევოლუციონერებიც. პილსუდსკის მეგობრებს მი-
 სი განთავისუფლება უნდათ. განთავისუფლების გა-
 საადვილებლად სიგიყე უნდა მოიგონოს. პილსუდ-
 სკი გადაწყავთ სანქტპეტერბურგის სამხედრო გოს-
 პიტალში. 1901 წ. 13 მაისს ის ახერხებს გოსპიტალი-
 ტალიდან გაქცევას. მოკლე ხნით ინგლისშია, შემ-
 დევ კონგოში. მის ირგვლივ მებრძოლთა რიგები იკ-
 რივდება. რევოლუციური მოქმედებაც ცხოვლოვდება.
 1904 წელს რუსეთ-იაპონიის ომის დროს პილსუდსკი
 ტოკიოშია. იაპონია უნდა გადახაროს პოლონეთის
 რევოლუციის სასარგებლოდ. მიზანს ვერ აღწევს,
 მაგრამ ეს მის გამბედაობას არ ანელებს. საბოტაჟი,
 ორთქლმავლებზე თავდასხმა, ტერორისტული აქტე-
 ბი, თანამემამულეთა ციხიდან განთავისუფლება—
 აი რითაა სახსე ათი წელი (1904-14) ამ გასაოცარი ადა-
 მიანის ცხოვრებისა. 1912 წელს პილსუდსკი პარიზ-
 ში, მის მოუწოდებს ემიგრანტთა შვილებს პოლონე-
 თის განსათავისუფლებლად.

რუსეთისთვის საგარეო და საშინაო საფრთხის
 შესაქმნელად, მისი ბატონობის დასაძლევად პილ-
 სუდსკი ჰქმნის სამხედრო ჯგუფებს «სტრელცებად»
 წოდებულს. ეს ჯგუფები ჩანასახია პოლონეთის მო-
 მავილი არმიისა.

1914 წ. მარტში პილსუდსკი ომს წინასწარმეტ-
 ყველობს, წინასწარმეტყველობს მის შედეგსაც. აი
 მისი სიტყვებიც: «ომი მოახლოვებულია, მაგრამ
 დამოუკიდებლობას მივალწევთ მხოლოდ მაშინ, რო-
 ცა რუსეთს გაანადგურებენ გერმანელები და ავს-
 ტრიელები, ამ უკანასკნელებს კი ფრანგები. ომის
 მიწურულში გამარჯვებულნი და დამარცხებულნი
 დასუსტებულნი იქნებიან. ეს იქნება ჩვენთვის ხელ-
 საყრელი დრო. ვიყოთ მაშასადამე მზად ომის დამ-
 თავრების ხანაში. ამაში იქნება ჩვენი ხსნა».

რამდენიმე თვე გაივლის, დიდი ომი იწყება. 5 აგ-

ვისტოს იოსებ პილსუდსკი იწყებს ომში მონაწილე-
 ბის მიღებას რუსეთის წინამძღვრ, თავისი ნაწილე-
 ბით კიეღცისკენ მიემართება. რუსის ჯარს ამარ-
 ცხებს. დამოუკიდებლობის დღეების მოლოდინში
 პოლონეთი აღფრთოვანებულია. პილსუდსკის მიზა-
 ნია პოლონეთის მთლიანი განთავისუფლება, განთა-
 ვისუფლება ცენტრალურ იმპერიათა მონობისაგა-
 ნაც. გუშინ პილსუდსკი რუსეთის წინამძღვრ მიმა-
 რთებოდა, დღეს მის სამხედრო ნაწილებს ცენტრა-
 ლურ სახელმწიფოთა წინამძღვრ იარაღი აქვს მიმა-
 რთული. 20 ივლისს 1917 წ. გერმანელები მას ატუ-
 საღებენ და მაღდებურგის ციხეში აგზავნიან. გერმა-
 ნიის რევოლუცია პილსუდსკის ანთავისუფლებს. 4
 ნოემბერს 1918 წელს პილსუდსკი ვარშავაშია და
 იარაღს აყრის ოკუპანტების ჯარებს. იშლება ახა-
 ლი ფურცლები ამ დიდი პიროვნების ცხოვრებაში.
 1918 წელს 4 ნოემბერს ის აღიარებულია პოლონე-
 თის ჯარების «კომენდანტად». ამ დღიდან მას მთე-
 ლი პოლონეთი დღემდისაც კომენდანტს უწოდებს.
 1918 წ. 11 ნოემბერს სარევეტო საბჭო პილსუდსკის
 აღიარებს უმაღლეს ავტორიტეტად და აბარებს პო-
 ლონეთის ჯართა ხელმძღვანელობას.

1919 წ. თებერვალში დამოუკიდებელი და გაერ-
 თიანებული პოლონეთის პირველი პარლამენტი პი-
 სუდსკის გადასცემს პოლონეთის შეფის ფუნქცი-
 ებს და აჯილდოვებს პოლონეთის პირველი მარშ-
 ლის წოდებით.

მაგრამ ახლად აწყობილ სახელმწიფოს მტერი
 უთვალთვალვებს. მას ვერ მოუხელებია პოლონეთის
 მკვდრეთით აღდგენა. ეს მტერი მოსკოვია, ძველი
 გულით, ახალი ქერქით, ერთა დამოუკიდებლობის
 მლაღადებელი, ხიშტით ერების დამპყრობი. დენი-
 კინ-კოლჩაკთან ომის დროს, პოლონეთ-მოსკოვს
 შორის დროებითი ზავი ჩამოვარდება. რაკი დენიკინ-
 კოლჩაკი დამარცხდენ, მოსკოვი პოლონეთს მიუბ-
 რუნდა. მოსკოვის ჯარები პოლონეთის დედა ქალა-
 ქის, ვარშავის კარებს მიადგა. 14 აგვისტოს 1920 წ.
 მარშალ პილსუდსკის კონტრ-შეტევაზე გადასვლამ,
 მის მიერ გამომუშავებულ გენიალურ სტრატეგიულ
 პლანმა პოლონეთს გამარჯვება მოუპოვა. ჩრდილო-
 ეთის ურდოები პოლონეთის საზღვრებიდან განიდე-
 ვნა. 1921 წელს 18 მარტს რიგაში პოლონეთისთვის
 ხელსაყრელი ხელშეკრულება მოსკოვთან დაიდო...

ლომებიც იღლებიან. დადლილი მარშალი ძალა-
 უფლებას თავს ანებებს, საყვარელ ჯარსაც შორდე-
 ბა, თავის პატარა მამულში სულეივკაში სახლდება.

მის მოადგილე გაბრიელ ნარუტოვიჩს პოლონე-
 თის პრეზიდენტს ჰკლავენ. პარლამენტში პარტიათა
 ბრძოლა სახელმწიფო ორგანიზმს შლის. დასასვენე-
 ბლად აქტიურ ცხოვრებას ჩამოშორებული მარშა-
 ლი, მოსვენებას ვერ ეძლევა. ახდენს სახელმწიფო
 გადატრიალებას. ამ დღიდან სიცოცხლის უკანას-
 კნელ წუთამდე დიდი პოლონეთის ბედი, მისი შემ-
 კნელ მარშალ პილსუდსკის ხელშია.

ი. ხალაყაია.